



Synfocity = 480

mail us at : mzsynfo@gmail.com; mizoramsynod@gmail.com - Phone - 2314648

27th March, 2014

☐ **Synod hotute zin**

March 19 - 25, 2014 chung khan Presbyterian Church of Myanmar (PCM) hnuai Kohhran hrang hrangte zirchiang turin Mizoram Synod hotute an kal.

OM Committee in a ruat angin Rev. K. Lalhmuchhuaka Synod Moderator, Rev. Lalzuithanga Sr. Executive Secretary, Upa Zoliana, Synod Secretary (Sr) leh Pastor B. Sangthanga, Synod Secretary (Jr) te chu Myanmar-a Presbyterian Kohhran te zirchiang turin an kal a ni. March 24, 2014 (Zirtawpni) khan Presbyterian Church of Myanmar (PCM) hnuai Synod hrang hrang paruk (6) te nen Tahan Venglai Presbyterian Kohhran Committee Hall- ah nilengin inkawmhona hun an hmang a, he meeting-ah hian Synod pathumte rokhawihna avangin an rawn tel thei lo a ni. Hemi ni a an sawihona hrang hrangte hi Committee sanglamah thlen leh zel tura ruahman a ni. March 24 & 25 (Inrinni & Pathianni) khan Tahan leh a chheh vela Presbyterian Kohhran hrang hrang leh Synod Office hrang hrang te an tlawh kual bawh.

☐ **Central KTP hruaitu charge inhlan**

March 20, 2014 khan Central KTP hruaitu kalchhuak ten a thar hnenah mawhphurhna an hlan a, kum 2014 -2016 hruaitu thar ten meeting vawi khatna an nei nghal.

Synod Committee Room No. 1-ah Central KTP hruaitu kal chhuak ten a thar hnenah mawhphurhna an hlan a. Charge inhlan hi Leader kalchhuak Rev. Lalrinmawian a kaihruai a, KTP General Conference vawi 55-na leh Diamond Jubilee lawmna, February 27 -March 2, 2014 chungha Khawzawla neih chu thlirletin, felhlel deuh lai han sawi tur chu awm bawh mah se, programme duan anga tuang taka engkim a kal thei chu lawmawm an ti a, Pathian hruaina ropui tak an dawn avang te, Organising Committee te theihtawp chhuahna te, Central KTP hruaitu inpekna leh tanrualnaah te leh palai zawng zawngten tih takzeta Inkhawmpui an hlut avangtein lawmthu an sawi a, Kohhran ho leh mimal tawngtaina nasa tak an dawn avanga Inkhawmpui hlawhtling tak nei theiah an inggai bawh a ni.

General Conference thlirletna neih zawhah hian Rev. Lalrinmawian Rev. J. Lalremsiama hnenah Leader mawhphurhna a hlan a, Office Bearers kal chhuak dangten kum 2014 -2016 Office Bearers turte hnenah mawhphurhna a mal malin an hlan theuh bawh. Synod Executive Committee (SEC) vawi 250-na, February 24-26, 2014-a thukhawm khan kum 2014 -2016 CKTP Leader atan hian Rev. J. Lalremsiama a ruat thar a, General Secretary atan Upa Zonunmawia a ruat nawn bawh a ni.

Mawhphurhna inhlan zawhah hian zanriah kilho a ni a. Zan dar 7:00-ah CKTP hruaitu tharte a vawi khatna atan an thukhawm zui nghal a, General Conference thurel hrang hrang bawhzui dan tur te duangin Kristian Thalai chanchinbu Editor atan Pu Lalmuanpuia (Asst. Coordinator i/c KTP) an ruat a, Editorial Board member turte an ruat nghal a, Mizoram Synod Choir Director atan Pu R. Lalruatkima (CKTP com. Member) an ruat a, North East India Christian Council Youth Assembly (NEICCYA) Biennial Conference palai tur leh Presbyterian Church of India (PCI) Biennial General Assembly-a KTP aiawh palai tur an ruat a; kum 2014 -2015 Blood Donation Calendar siam an rel a, CKTP hruaitu tharte intuaitharna (Orientation cum Retreat) neih tha an ti a, a hun atan May 9-10 an ruat nghal bawh.

☐ **Counselling Training khar**

Family Guidance & Counselling Centre (FG&CC)-in Kohhran Upate puala March 10, 2014 atanga Synod Conference Centre-a Church Leaders' Intensive Residential Pastoral Care & Counselling Training vawi 19-na a buatsaih chu March 21, 2014 (Zirtawp) zan khan 'Final Evaluation & Graduation Service' neiin khar a ni.

He Counselling Training-ah hian Pastor Bial 7 atangin Kohhran Upa 20 an tel a, training kharna inkhawm hi Rev. Lalramliana Pachuau, Executive Secretary i/c FG&CC-in a hmanpui a ni. Training kharna inkhawm hi Rev. R. Lalhmingthanga, Director, FG&CC-in a kaihruai a, Rev. Lalramliana Pachuau-in training chhuakte hnenah Certificate semin thuchah a sawi. Training chhuakte chuan training an hlawkpui dan a lema an ziak chu entirin an hrihlfiah a, Upa C. Lalzipa'n training te aiawha thu sawiin, Bungkawm Pastor Bial Zaipawl an zai bawh.

He hun hmanpuitu Rev. Lalramliana Pachuau chuan training chhuakte fuihna thu sawiin, "Midangte ngaihsaka tanpui hi rawngbawltute tih tur pawimawh berte zinga mi a ni" tiin chutiang atana Counselling Training buatsaih a ni chu lawmawm a tih thu leh, training chhuakte pawh harsatna tawkte tanpuina kawngah nasa zawka inbuatsaih zel turin a fuih bawh.

FG&CC hian Pastor-te pualin Pastoral Care & Counselling Training hi vawi 23 buatsaih tawhin, Pastor 391 training a neihpui tawh a. Church Leader-te puala kum 2002 atanga training a neihpui tawhah, tun tuma mite nen hian Kohhran Upa 352 Training pek an ni tawh a ni.

☐ **Synod Revival Speakers Retreat**

Vawiin (March 27, 2014) atang khan nihnih awt tur Synod Revival Speaker Retreat chu Mission Veng Presbyterian Kohhran Hall ah tan a ni.

Retreat hawwna Inkhawm hi Synod Executive Secretary Sr. Rev. Lalzuithanga a kaihruai a, Revival Director Rev. R. Lalchanglianah inhmelhriattirna neiin Synod Moderator Rev. K. Lalhmuchhuakan Keynote Address a pe a ni.

Vawiin (March 27) programme hi session 2-ah then a ni a, chawhma lamah Rev. R. Lalengzauva paper buatsaih "Kohhran leh a thurin humhalh" tih chu zirho a ni a. Chawhnu lamah Rev. K. Lalhangmawia paper buatsaih "Thusawia fimkhurna tur : Mihring leh Sual thu" tih chu zirho leh ani bawh. Paper zir zawh hian sawihona hun neih thin a ni. Naktuk (March 28, 2014) hian Session 2 dang neih leh tur a ni a, chawhma lamah Synod Secretary Upa H. Zoliana paper buatsaih "Tunlai Kohhran mite mamawh" tih chu zirho a ni ang a. Chawhnu lamah Upa C. Lalzawnga, Revival Committee Member paper buatsaih "Thlaurauva rawngbawh" tih chu zirho ani leh ang a, sawihona neih zawhah Retreat kharna hun hman a ni ang a, Rev. Lalzuithanga, Senior Executive Secretary-in programme a kaihruai ang.

Tun dinhmunah Mizoram Synod hian Revival Speaker mi 70 a nei mek a, Zoram leh zoram pawn hmun hrang hrangah Crusade leh Gospel Camping te neiin an vak chhuak reng a ni. Tun tum Retreat-ah hian Speaker 68 an tel thei a ni.

☐ **NCCI Centenary lawmna**

March 27 - 30, 2014 chung hian National Council of Churches in India (NCCI) Centenary - North East India Celebration, Synod Conference Centre & Mission Veng Kohhran Biak Inah neih a ni dawn a, Mizoram Synod-in a thleng dawn a ni.

Pi Zaii Hall, Synod Conference Centre-ah Centenary lawm hawwna programme neih a ni dawn a, a lawmna pui ber chu March 30, 2014 hian Mission Veng Kohhran Biak Inah neih a ni ang. NCCI hruaitute hi palai 100 vel an ni dawn a, heng bakah hian a thlengtu Mizoram Synod, Baptist Church of Mizoram, Aizawl Theological College leh Mizoram Theological Association atangin palai engemaw zat an tel dawn bawh a ni. *Programme phok lehlamah tarlan a ni.*

☐ **Synod Sum Dinmun (as on March 26, 2014)**

Budget Head	Budget	Hmuh tawh	Khumna (+)/Phaklohna (-)
Pastoral	Rs. 75,57,30,000.00	Rs. 70,71,17,399.00	(-) Rs. 4,86,12,601.00
Mission	Rs. 51,68,53,000.00	Rs. 57,12,38,316.00	(+) Rs. 5,43,85,316.00
Total	Rs. 1,27,25,83,000.00	Rs. 1,27,83,55,715.00	Rs. 57,72,715.00 Contd..

- **Kristian Thalai Pawl**
 - ◆ March 28, 2014 (Zirtawp) zan hian Gen. Secy. Upa Zonunmawian KTP Venghnuai Branch Leadership Training a neihpui ang.
 - ◆ March 27, 2014 zanah Synod Conference centre-ah National Council of Churches in India (NCCI) Centenary lawmna palaite puala Moderator Dinner buatsaihah Synod Choir an zai ang a, March 30, 2014 (Pathianni) zana Mission Veng Kohhran Biak Ina NCCI Centenary lawmna programme-ah an zai bawk ang.
 - ◆ Mizoram Synod Choir Music Video Album thar "Aw Isu, min kai ang che" tih chu CKTP Office-ah lei theihin a awm, Rs. 160/- man a ni. A tha lo lei palhte tan thlang theih a ni bawk.
- **Kohhran Hmeichhia**
 - ◆ March 29 & 30 hian Sairang Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Lalthansangi, Pi P.C. Nuzawni leh Pi Lalpianthangi te an kal ang.
 - ◆ March 28 - 30 hian Chawngtlai Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Rochhungi, Pi Lalsiammawii leh Pi C. Zopari te an kal ang.
- **Synod Mission Board**
 - ◆ March 24 - 3 April chung hian Arunachal East & West, Assam Mission Field Committee neih mek a ni a, hemi neihpui tur hian Rev. P.C. Pachhunga, Executive Secretary; Upa J. Zoliana leh Upa Vanlalchhunga, Committee Members te an kal ang. Hemi rual hian Ramthar Enthatu Commission atangin Rev. K. Lalhangmawia leh Upa Lalramthanga an kal bawk. March 25 (Thawhlejni) khan Arunachal West Field Committee, Itanagar-ah an thu a, March 28 (Zirtawpni) ah Arunachal East Field Committee, Khasan-ah an thu leh ang a, April 1 (Thawhlejni) ah Assam Field Committee, Guwahati-ah an thu leh ang.
 - ◆ March 23, 2014 khan Baduria Fellowship atangin mi 4 in Pastor C.K. Lalchhanhima kut atangin baptisma an chang a, 1 hian a ke tliak avangin in lamah a chang. Hemi ni vek hian Chandrakona Fellowship-ah bialtu Pastor P.C. Lalropuia kutah puitling 4 leh naupang 2-in baptisma an chang a, sakramen theh nghal a ni. Tin, Maniktal Pastor Bial Kristian Fellowship, Sainthia-ah patling pakhat leh naupang pali te Rev. T. Lalhmachhuana Babtisma a chantir.
 - ◆ March 25 - April 02, 2014 chhûng khian Pu R. Lalchhanhima, Manager (Ramthar) leh Upa Lalhlengliana, Pensioner, Tlângnuam chu SMB-in Odisha-a hmalaknaa Kui Presbyterian Kohhran tia Kohhran hming lo invuah membrar 2000 chuang awmna Gallikutta khuaah, Pastor Lalhmachhuana, Cuttack, kaihhruainain Presbyterianism zirtira Leadership Trainging leh Finance Campaign nei turin an kal dawn a, ni 27.03 - 30.04.2014 chung a he hun hi hman tur a ni. Kui unaute hi New Life Mission Church inti an ni a, mahse han thawhho hnuin kan Kohhran inkaihhruaina leh inenkawl na tha an tih em avangin anmahniin 'Kui Presbyterian Church' tiin an Kohhran hming an lo thlak a ni.
- **MSSU**
 - ◆ March 28-30, 2014 chung hian E. Lungdar leh N. Vanlaiphai Venglai Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa R. Zolura, Nursery Veng; Pu Lalthanchhunga, Bungkawn leh Upa F. Zakhuma, Selesih (MSSU Trainers) te an kal ang. Training bakah fanau enkawl (Child Evangelism) chungchang thuchah sawiin hun an hmang bawk ang.
 - ◆ March 28, 2014 (Zirtawpni) zan hian Bethlehem Venglai North Kohhranah Sunday School Zirtirtu Training neih a ni dawn a, training neihpui tur hian Pu John Lalhruaitluanga, MSSU Asst. Coordinator leh Upa K. Vanlalngbaka, Ramhlun East (MSSU Trainers) te an kal ang.
 - ◆ March 29, 2014 (Inrinni) hian Ramhlun North Kohhranah Sunday School Zirtirtu Training neih a ni dawn a, training neihpui tur hian Pu John Lalhruaitluanga, MSSU Asst. Coordinator; Upa B. Lalhmunliana, Bethlehem Venglai leh T.Upa F. Lalenghluna, Ramhlun Vengthar (MSSU Trainers) te an kal ang. Zan Pathian biak inkhawmah Upa B. Lalhmunliana 'Fanau Enkaw' (Child Evangelism) chungchang thuchah a sawi ang.
- **Music**
 - ◆ March 27 & 28, 2014 zanah hian Khuang vuak training, Tanhril Kohhranah neih a ni dawn a, hemi neihpui tur hian Pu Lalromawia, Senior Music Instructor a kal ang.
 - ◆ April 1 - 4, 2014 hian Champhai Vengsang Bial huapin Champhai Vengsang Kohhranah Solfa Training neih a ni dawn a, hemi neihpui tur hian Tv. C. Zirlianthanga, Music Instructor a kal ang.
- **Synod Social Front**

March 25-29 chung hian Vathuampui Bial huapin Intodelh Seminar neih mek a ni a, hemi neihpui tur hian Upa C. Thanthianga, Campaigner leh T.Upa Lalrosanga Colney, Synod Office te an kal.
- **Hruaina Eng FM Radio & TV Programme**
 - ◆ **MARCH 28 (FM Zoawi Aizawl @ 7:30 p.m.) :**
Choir : Mizo Cardinal Choir - Lawmthu kan hrilh che, **Solo :** Mafeli - Minpui ang che, **Thuchah :** Rev K. Lalpiangthara - "Zuk leh Hmuam" kan hmelma, **Choir :** Mizoram Synod Choir - Pathian Kohhran, **Solo :** Laldusaki - Ka kal thiamlo, **Choir :** Besy Choir - Amen
 - ◆ **MARCH 28 (FM Lunglei @ 7:30 p.m.) :**
Choir : Mizo Cardinal Choir - Lawmthu kan hrilh che, Synod News, **Solo :** Mafeli - Minpui ang che, **Thuchah :** Rev K. Lalpiangthara - "Zuk leh Hmuam" kan hmelma, **Choir :** Mizoram Synod Choir - Pathian Kohhran, **Solo :** Laldusaki - ka kal thiamlo, **Choir :** Besy Choir - Amen
 - ◆ **MARCH 30 (TV Programme @ 3:00 p.m.) :**
 Zaipawl : BSI Choir - An liam mek e, KTP Diamond Jubilee lawmna : Hruaitu Hluite Pual Part 1
- **Susamachar Prasaran Programme**

MARCH 30 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Bungkawn Vengthar - Aatma Ra Deha, **Group/Choir/Solo :** Govt Complex Kohhran - Syon Desh, **Sermon :** Rev Vanlalbela - Parmeswar chaha ta he ki sab manusion ka udhar ho, **Group/Choir/Solo :** The Leprosy Mission Choir - Ham Soup Te He, **Group/Choir/Solo :** Sihphir Bial - Me Akhen Apni, **Stuti Geet :** Khul Jayegi Kitabe
- **Synod Hotute Programme**
 - ◆ March 22, 2014 (Inrinni) hian Tlungvel Gate Veng Biak In sak thar hawng turin Rev. Lalzuithanga, Senior Executive Secretary a kal ang.
 - ◆ March 25 & 26, 2014 khan Lunglei Hospital Building Committee, Lunglei-a neihah Rev. Lalramliana Pachuau, Executive Secretary a tel a, Rev. Lalramliana Pachuau hi March 27-31, 2014 hian Bungzung Kohhran Centenary lawmnaah a tel leh ang.
 - ◆ March 29 (Inrinni) hian Synod Moderator Rev. K. Lalhmuchhuaka chuan Sialhau Biak In sak thar a hawng ang a, zanah Chhiahtlang Venghlun Kohhranah hun a hmang ang. March 30 (Pathianni) chawhmaah Chhiahtlang Kawn Veng Kohhranah, chawhnuah Chhiahtlang Chhim Veng Kohhranah leh zanah Chhiahtlang Hmar Veng Kohhranah hun a hmang ang.

PROGRAMME FOR THE NCCI CENTENARY – NORTH EAST INDIA CELEBRATION

Date: March 27-30, 2014

Venue: Synod Conference Centre, Mission Veng, Aizawl, Mizoram

Sponsoring Host: Mizoram Synod, Presbyterian Church of India

Local Hosting Church: Mission Veng Kohhran, Aizawl, Mizoram

Theme: “Towards Integral Mission and Grassroot Ecumenism”

March 27, 2014 (Thursday):

Daytime: Arrival of Delegates

(Breakfast: 8:30 am – 9:30 am: Morning Tea: 10 :30 am – 11:00 am

Lunch: 1:00 pm – 2:00 pm: Evening Tea 4:00 pm – 4:30 pm)

6:30pm to 8:00 pm : Moderator’s Dinner with light entertainment at Synod Conference Centre, Mission Veng.
Host : Rev. K. Lalhmuchhuaka, the Mizoram Synod Moderator

March 28, 2014 (Friday):

7:30 – 8:30 am : Breakfast

Inaugural Programme: 9:00 am – 11:15 am

09:00 am – 09:30 am : *Opening Worship* (led by Aizawl Theological College)
Short Reflection: Rev. Dr. Vanlalchhuanawma, Principal, ATC

09:30 am - 11:00 am : *Inauguration*
Greetings : Rev. Dr. Roger Gaikwad, General Secretary, NCCI
Welcome : Rev. Lalzuithanga, Senior Executive, Mizoram Synod

Felicitation of Chief Guest : Bishop Dr. Taranath S. Sagar,
& Guest of Honour President, NCCI

Brief Address by the Chief Guest, Honourable Shri Vakkom Purushothaman, Governor of Mizoram

Greetings from the Guest of Honour, Honourable Shri Lal Thanhawla, Chief Minister of Mizoram

Announcement from Host : Dr. Robert Halliday, Superintendent, Mizoram Synod

Closing Prayer : Dr. T. Vanlaltlani, Ex. Com. Member, NEICC

Photo Session And Tea Break: 11:00 am – 11: 40 am

Keynote Address: 11:40 am – 1:00 pm

Moderator : Rev. Lalrinmawia, former Executive Secretary, NCCI

Speaker : Rev. K. Lungmuana, former General Secretary of NCCI.

Theme : **“Towards Integral Mission and Grassroot Ecumenism” (Centenary Celebration Theme).**

Initial Respondent : Rev. Dr. K.Thanzauva, Prof. Systematic Theology, Former Ex. Com. Member NCCI

Lunch Break: 1:00 pm – 02:00 pm

Post Lunch Session: 02:00 pm – 5:30 pm

02:00 – 02:45 pm : *Book Release* (NCCI, CISRS)

02:45 pm – 04:00 pm : *Paper Presentation and Discussion*

Moderator : Mr. Suman Biswas, Vice-President, NCCI

Presenter : Rev. Awala Longkumer, former Executive Secretary – NCCI.

Initial Respondent : Dr. Lalrinawmi, Com. Member of Commission on Unity, Mission and Evangelism - NCCI

04:00 pm – 04:15 pm : Tea Break

04:15 pm – 05:30 pm : Paper Presentation and Discussion:

Moderator : Ms. Pearly Jose, Vice-President, NCCI

Presenter : Rev. Dr. PBM Basaiawmoit, former Vice-President, NCCI

Initial Respondent : Rev. Dr. Roger Gaikwad, General Secretary, NCCI

Note : Recording Secretaries for all the sessions of the day:
Rev. L.H. Rawsea and Dr. Lalrindiki Ralte (Faculty Members of Aizawl Theological College)

State Dinner with Cultural Night at Aizawl Club : 06:30 pm – 09:00 pm

Host : Shri. Lal Thanhawla, the Chief Minister of Mizoram.

March 29, 2014 (Saturday):

8:30 am – 9:00 am : Breakfast

9:00 am – 9:30 am : Devotion

9:30 am – 4:00 pm : Outing (Delegates will be guided by the volunteers from the Mission Veng Church.
Packed lunch will be served at the venue)

4:30 pm – 5:00 pm : Tea at Conference Centre

6:30 pm – 8:30 pm : Church Service (worship in different churches in Aizawl)

8:00 pm – 9:30 pm : Dinner (Synod Conference Centre, Mission Veng)

Note : The host churches will be responsible for picking up and dropping the delegates who will be visiting their churches.

March 30, 2014 (Sunday) : Public Worship at Mission Veng Church

8:30 am – 9:30 am : Breakfast

10 am – 11:30 am Sunday Morning Worship Service

Chairperson	: Rev. Lalrinmawia, Pastor, Mission Veng Church
Announcement	: Upa Tawnenga, Secretary, Mission Veng Church
Bible Reading	: Ms. H. Lalhriatpuii, Youth Secretary, The Salvation Army
Prayer	: Rev. Dr. Thongkhosei Haokip, Asst. Professor, Academy of Integrated Christian Studies
Offertory Prayer	: Upa T. Liangngengi, Vice-President, ATTWI, Mizoram Branch
Preacher	: Rev. Dr. Roger Gaikwad, General Secretary, NCCI
Choirs	: Mission Veng Pastorate Choir, Mizo Cardinal Choir

12:00 pm – 1:00 pm : Lunch Break

1:30 pm – 3:00 pm : Sunday Afternoon Worship Service:

Chairperson	: Dr. Hrangthan Chhungi, Executive Secretary, NCCI
Bible Reading	: Mrs. Martha Mary Marwein, Working Committee Member, NCCI
Prayer	: Rev. Vanlalbela, President, BSI, Aizawl Auxiliary
Offertory Prayer	: Dr. Lalgakthuami, Treasurer, ATTWI, Mizoram Branch
Preacher	: Rev. R. Lalnunzira, Secretary, NEICC
Choirs	: The Salvation Army Territorial Band, Dawrpui Vengthar Church Women Choir and The Leprosy Mission Choir

3:30 – 4:00 pm: Tea Break

6:30 pm – 8:00 pm Sunday Night Worship Service:

Chairperson	: Rev. Zosangliana Colney, Vice President, NEICC
Announcements	: Upa Tawnenga (Secretary, Mission Veng Kohhran) and Rev. Dr. Solomon Rongpi (NCCI)
Bible Reading	: Mrs. K. Vanlalrawni, Asst. Secretary, Women Fellowship, Mission Veng Church
Prayer	: Mr. Atungo Shitri – Secretary, Peace and Justice Ministry, CBCNEI
Offertory Prayer	: Maj. Lalhriatpuii, Exe. Com. Member, AICCW
Vote of Thanks	: Synod Secretary, Mizoram Synod
Preacher	: Bishop Dr. Taranath S. Sagar, President, NCCI
Interpreter	: Rev. Dr. Lalchungnunga, Chairman, Mizoram Board of School Education
Choirs	: The Mizoram Synod Choir, Bible Society Choir (BESY) and Thlarau Bo Zawng (TBZ) Choir.

8:30 – 9:30: Dinner

March 31 (Monday)/April 1st (Tuesday):

Departure

ALUMINIUM MAMAWH KOHHRANTE TAN

Synod Social Front chuan Mizo thiam chi, Aluminium hnaa eizawng duhte tan Aluminium Mistiri Training a buatsaih a. He training-a zir chhuakte hi Biak In sa mek Kohhrante leh mimal pawhin kan mamawh dan azirin rawih theih reng an ni a.

Biak In leh Kohhran hall sa laite tan phei chuan installment-a rulh theih dan kawng zawn mek a ni. A duhte chuan Synod Social Front Office-ah hrilh hriat ni se a tha ang e.

REV. P.C. PACHHUNGA
Executive Secretary
i/c Synod Social Front

PATHIAN THU ZIR DUH TAN

Presbyterian Bible School, Mission Veng-ah Session 31-na atan Certificate in Theology (C.Th) Admission hawn a ni a. Dil duhte tan a hnuacia tarlan hi hriat tur a ni e.

🕒 Admission Form	: Office hun chungin Rs. 10/- a lei theih a ni
🕒 Form thehluh hun	: April 30, 2014 (Nilaini) tlai dar 3:00 thleng
🕒 Dil thei chin	: Class VII passed, kum 16 chin, Kohhran dan chungung awm
🕒 Interview	: May 2, 2014 (Zirtawpni) chawhma dar 10:00
🕒 Class tan hun	: May 6, 2014 (Thawhlejni)
🕒 Zir hun chung	: May - August, 2014
🕒 Stipend	: Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. **8575308007/2317343/2350082**-ah zawh theih a ni.

REV. R. LALENGMAWIA
Principal, PBS